



Universitätsbibliothek Paderborn

**De Confessionibus Ritè ac fructuosè excipiendis Doctrinas
tam generales, quàm speciales ad varios Hominum Status
accomodatas complectens**

Lohner, Tobias

Dilingæ, 1679

De peccato mortali in genere.

[urn:nbn:de:hbz:466:1-49251](#)

atio peccatorum ; quæ quidem omnes quæstiones breviter
nunc resolventur ; nam fusior & accuratior explicatio ad
Theologos morales pertinet.

De peccato mortali in genere.

Qu. 1. *Quid sit peccatum mortale?* Rz. esse id, quod ob sui
gravitatem, gratiam & amicitiam cum DEO solvit, pñnam
que æternam meretur. Unde rectè concludunt Theologi,
Confessarium non facilè debere Pénitentem peccati morta-
lis damnare, maximè si eum timoratæ aliæ conscientiæ esse
cognoverit, nam, ut Richardus à S. Victore p. 1. pag. 389. ait,
mortale peccatum est, quod non potest committi sine gravi
corruptione sui, sine gravi læsione Proximi, sine gravi con-
temptu DEI. Jacobus Alvarez p. 3. l. 1. c. 17. §. 5 ait: Con-
fessum in peccatum mortale esse tam impium, ut non possit
celari, & ignorari. Deinde si quis statim post factum dubiter,
an deliberaçè consenserit, vel facti statim peniteat, probabi-
liter judicari posse, eum non consensisse, cum tanta sit mali-
tia peccati mortalis, ut in recenti facile agnoscatur, nec so-
lat animus à DEO aversus tam subito ad eum converti.

Qu. 2. *Quænam peccata ex genere suo sint mortalia?* Rz. Ea
esse, quæ vel per se lèdunt charitatem DEI, vel Proximi, vel
nos ipsos graviter corrumpunt. Potissimum verò inter hæc
peccata numerantur illa, quæ contra virtutes Theologicas
aut contra Decalogum patruntur. Peccata quoque capitalia,
licet non omnia, quia non omnia DEVm aut Proximum : aut
nos ipsos graviter lèdunt, uti de superbia, avaritia, gula,
acedia communiter sentiunt Authores.

Qu. 3. *Quæ peccata mortalia specie differant?* Rz. ea potis-
simū, quæ vel diversis virtutibus, vel certè eidem virtuti
extremè opponuntur, vel quæ diversam difformitatem ha-
bent, id est, quæ adè diversa ratione & malitia ejusdem vir-
tutis materiam attingunt, ut, quantum est ex natura ejusdem
peccati, non sit eadem facilitas moraliter loquendo, neque
propensio utrumque peccatum comittendi, qualia sunt ho-
nicidium, furtum, adulterium, detractio, & similia.

Qu. 4. *Quæ circumstantiae ex mortali veniale faciant?* Rz.
tres potissimum. Prima est, defectus sufficientis ad vertentias.
Pro qua cognoscenda sequentia iudicia à nonnullis afferun-
tur.

eur. Primum est, quandocunque materia actionis vel omissionis, de qua dubitatur, num fuerit deliberatè cum peccato suscepta, nullam continet specialem delectationem respectu voluntatis illius, à qua profecta est, signum est, ne semiplenam quidem advertentiam adfuisse. Hinc sequitur, non esse peccatum mortale, si quis ad illationem gravissimi malitiae excandescat, quia initium iræ exortæ in tali casu plenumque est motus priuò primus duntaxat. Secundum est, quandocunque materia actionis, de cuius honestate dubitatur, est valde grata appetitui, & aliquis advertit, se illi non nihil inhæsse, aut alium effectum non bonum secutum esse, vehementer suspicio est, adfuisse non nisi semiplenam advertentiam, ut si quis ad vertat extraordinarium appetitum erga aliquod genus cibi, & habenas se laxasse cum aliqua operatione corporis. Tertium est, quandocunque actio versus circa materiam gravem à persona bene morata & valde timida suscepta est, presumenda est in dubio non plenè consensisse. Hinc non censetur consensisse, qui animum firmum, & sepe repetitum propositum habuit non peccandi mortaliter, uti Sanch. & Bonac apud Ferd. de Castro p. 1. tr. 2. d. 2. pa. 6. n. 5. docent. Item si facilè possit peccatum exequi, & cum compos sui est, pro viribus respuit, non enim affectus tam facilè mutatur. Ita idem Ferd. l. c. & Tambur. l. 1. c. 1. §. 3. n. 28. cum Sanch.

Secunda circumstantia est *defectus perfecti consensus*, cuius indicium est, si, cum potuerit facilè exequi peccatum, non fecerit: si dubitet, num consenserit: si ita sit affectus, ut malitior, quam deliberatè mortaliter peccare: si valde timide & suspectè se processisse meminit: si semisomnis fuit, nec sui compos: si actio non sit intrinsecè mala, aut in perniciem alicujus totius communitatis (cuius bonum privato prærendum est) vergens, & eam quis ex metu mortis aut alterius gravis mali suscipiat, ut si v. g. metu mortis sine vestibus scris celebret, concedat ensem furenti, teneat scalas furi, contrahat matrimonium cum impedimento dirimente, portat Eucharistiam Peccatori occulto, uti probati Authores apud Dian. p. 3. tr. 6. re. 48. docent.

Tertia circumstantia est *defectus materiae gravis*, qui ex fine, circumstantiis, & numero actuum inter se unitorum colligendus

gendum est; unde peccat mortaliter, qui eodem die Festo sacerdotem parum laborat, aut die jejunii sapienter parum comedit, cum intentione perveniendi ad notabilem quantitatem; non autem, qui diebus diversis hoc facit.

De peccato veniali.

Qu. 1. *Quid sit peccatum veniale?* Rz. esse peccatum, quod ob suam levitatem non tollit amicitiam & gratiam DEI, minorat tamen fervorem, & paenam temporalem meretur.

Qu. 2. *Quanam peccata ex genere suo venialia censeantur?* Rz. ut plurimum ea omnia, quae contra proprium bonum commissa sunt, v. g. inutilis & vana concupiscentia, vana ostentatio, prodigalitas, curiositas, superfluitas cultus & vestitus, nux, otium, excessus in cibo & potu, somno, usu conjugii, risu, timore, tristitia, appetitu pecuniae, laudis &c.

Qu. 3. *Quibus modis peccatum veniale in mortale transeat?* Rz. sequentibus. 1. *Ratione finis adiuncti*, ut si quis mentitur ad copulam carnalem extorquendam. 2. *Ratione finis ultimi*, ut si quis ita erga rem levem afficiatur, ut malit transgredi preceptum sub mortali obligans, quam illam relinquere. 3. *Ratione scandali*, seu ruinæ mortalis proximo per illud creandæ, ut si quis coram Junioribus ex consuetudine verba blasphemæ sine intentione blasphemandi usurparer. 4. *Ratione periculi* incidendi in peccatum mortale, ut si quis partes occultas alieni corporis vel sexus ex curiositate aspiciat. 5. *Ratione contemptus*, ut si quis legem DEI, aut Regulas sui Ordinis, quatenus ordinem seu respectum ad legislatorem dicunt, contemnat. 6. *Ratione erronea conscientia*, ut si quis mortale putet, quod tamen per se tantum veniale erat.

De Circumstantiis Peccatorum.

Qu. 1. *Quotuplicis generis circumstantia sunt, que in peccato speciale considerationem merentur?* Rz. duplicitis potissimum, scilicet aggravantium, & speciem mutantium; prioris generis sunt, quae peccatum in sua quidem specie relinquunt, sed tamen faciunt, ut majus longè peccatum reputari debeat; ut si quis furtum 100. florinorum committat. Posterioris generis sunt, quae peccato novam specificam differentiam addant, ut si quis dictos centum florenos ex gazophilacio fur-